


YUEGUAYILUNDENG
HANSHANSHITIGANGZHUJIE



月桂一轮灯

寒山诗提纲注解

孟晓路 注解



人民
出

月桂一轮灯

寒山诗提纲注解

孟晓路
注解

● 人 民 出 版 社

责任编辑:邓创业

封面设计:王春峰

责任校对:吕 飞

图书在版编目(CIP)数据

月挂一轮灯:寒山诗提纲注解/孟晓路 注解. —北京:人民出版社,2014.5
ISBN 978-7-01-013211-2

I. ①月… II. ①孟… III. ①唐诗-诗歌研究 IV. ①I207.22

中国版本图书馆 CIP 数据核字(2014)第 033598 号

月挂一轮灯

YUEGUA YILUNDENG

——寒山诗提纲注解

孟晓路 注解

人民出版社 出版发行

(100706 北京市东城区隆福寺街 99 号)

环球印刷(北京)有限公司印刷 新华书店经销

2014 年 5 月第 1 版 2014 年 5 月北京第 1 次印刷

开本:710 毫米×1000 毫米 1/16 印张:20.25

字数:280 千字

ISBN 978-7-01-013211-2 定价:58.00 元

邮购地址 100706 北京市东城区隆福寺街 99 号

人民东方图书销售中心 电话 (010)65250042 65289539

版权所有·侵权必究

凡购买本社图书,如有印制质量问题,我社负责调换。

服务电话:(010)65250042

序

有凡人之诗，有圣人之诗。前者夥矣，后者寥寥。寒山诗则寥寥中之极品，全自大士牢关心境中任运流出；金声玉振，皦如纯如。每读之，令人尘虑顿消，道心增长。

通行版本将三百余首杂然排列，漫无次序，茫然莫辨宗趣所在。本提纲别出手眼，将一集总分为七类：自序类、本事类、山居类、劝谕类、修行类、果证类、其它类，又于类下细分以节目。如此则纲领有在，主旨昭然矣！世多有病寒山思想驳杂不纯者，读此自然如梦初醒。为便阅读，兼示深旨，复加以适当注解。有缘读此者，宜知宝惜：由参究而实行而证果，是所望也。

孟晓路

丁亥春日敬序于河北大学

目 录

序	1
第一部分 提纲	1
第二部分 注解	45
第一章 自序类	47
第二章 本事类	52
第三章 山居类	60
第一节 儒家期	60
第二节 道家期	64
第三节 佛家期	70
第四节 其它	77
第四章 劝谕类	84
第一节 世情	84
世态	84
恶人	98
众生相	101
第二节 无常	116
青春美貌之无常	117
眷属富贵之无常	120
生命本身之无常	126
第三节 轮回	143
第四节 因果	148
总说	149

2 月挂一轮灯——寒山诗提纲注解

知命	151
食肉	156
恶报	164
第五节 苦	177
老病死苦	178
爱别离苦	179
求不得苦	182
其它	185
第六节 劝修	189
第五章 修行类	195
第一节 抉择	195
儒教	196
道教	203
佛教其余法门	209
第二节 遮情法门	210
第三节 表德法门	224
第六章 果证类	239
第一节 用	239
无心而任运	239
无上之喜乐	245
双说二者	248
隐说二者	251
第二节 体	252
第七章 其它类	260
第三部分 附录	273
寒山子诗集序（唐台州刺史闾丘胤撰）	275
御制序（清雍正帝撰）	277
寒山诗集	278
跋	316

第一部分

提 纲

第一章 自序类

[1]

凡读我诗者，心中须护净。慳贪继日廉，谄曲登时正。
驱遣除恶业，归依受真性。今日得佛身，急急如律令。

[313]

家有寒山诗，胜汝看经卷。书放屏风上，时时看一遍。

[271]

五言五百篇，七字七十九。三字二十一，都来六百首。
一例书岩石，自夸云好手。若能会我诗，真是如来母。

[141]

下愚读我诗，不解却嗤诮。中庸读我诗，思量云甚要。
上贤读我诗，把着满面笑。杨修见幼妇，一览便知妙。

[288]

有个王秀才，笑我诗多失。云不识蜂腰，仍不会鹤膝。
平侧不解压，凡言取次出。我笑你作诗，如盲徒咏日。

[305]

有人笑我诗，我诗合典雅。不烦郑氏笺，岂用毛公解。
不恨会人稀，只为知音寡。若遣趁宫商，余病莫能罢。
忽遇明眼人，即自流天下。

第二章 本事类

[101]

寻思少年日，游猎向平陵。国使职非愿，神仙未足称。
联翩骑白马，喝兔放苍鹰。不觉大流落，皤皤谁见矜。

[7]

一为书剑客，三遇圣明君。东守文不赏，西征武不勋。
学文兼学武，学武兼学文。今日既老矣，余生不足云。

[111]

少小带经锄，本将兄共居。缘遭他辈责，剩被自妻疏。
抛绝红尘境，常游好阅书。谁能借斗水，活取辙中鱼。

[39]

白鹤衔苦桃，千里作一息。欲往蓬莱山，将此充粮食。
未达毛摧落，离群心惨恻。却归旧来巢，妻子不相识。

[178]

忆昔遇逢处，人间逐胜游。乐山登万仞，爱水泛千舟。
送客琵琶谷，携琴鹦鹉洲。焉知松树下一，抱膝冷飕飕。

[133]

之子何惶惶，卜居须自审。南方瘴疠多，北地风霜甚。
荒陬不可居，毒川难可饮。魂兮归去来，食我家园葚。

[30]

白云高嵯峨，绿水荡潭波。此处闻渔父，时时鼓棹歌。
声声不可听，令我愁思多。谁谓雀无角，其如穿屋何。

[180]

去年春鸟鸣，此时思弟兄。今年秋菊烂，此时思发生。
绿水千场咽，黄云四面平。哀哉百年内，肠断忆咸京。

[6]

弟兄同五郡，父子本三州。欲验飞凫集，须旌白兔游。
灵瓜梦里受，神橘座中收。乡国何迢递，同鱼寄水流。

[52]

垂柳暗如烟，飞花飘似霰。夫居离妇州，妇住思夫县。
各在天一涯，何时得相见。寄语明月楼，莫贮双飞燕。

[131]

昨日何悠悠，场中可怜许。上为桃李径，下作兰荪渚。
复有绮罗人，舍中翠毛羽。相逢欲相唤，脉脉不能语。

[302]

出生三十年，尝游千万里。行江青草合，入塞红尘起。
炼药空求仙，读书兼咏史。今日归寒山，枕流兼洗耳。

第三章 山居类

第一节 儒家期

[5]

琴书须自随，禄位用何为。投辇从贤妇，巾车有孝儿。
风吹曝麦地，水溢沃鱼池。常念鸕鹚鸟，安身在一枝。

[15]

父母续经多，田园不羨他。妇摇机轧轧，儿弄口咄咄。
拍手催花舞，搯颐听鸟歌。谁当来叹贺，樵客屡经过。

[27]

茅栋野人居，门前车马疏。林幽偏聚鸟，溪阔本藏鱼。
山果携儿摘，皋田共妇锄。家中何所有，唯有一床书。

[107]

满卷才子诗，溢壶圣人酒。行爱观牛犊，坐不离左右。
霜露入茅檐，月华明瓮牖。此时吸两瓿，吟诗五百首。

[119]

田家避暑月，斗酒共谁欢。杂杂排山果，疏疏围酒樽。
芦苇将代席，蕉叶且充盘。醉后搯颐坐，须弥小弹丸。

[102]

偃息深林下，从生是农夫。立身既质直，出语无谄谀。
保我不鉴璧，信君方得珠。焉能同泛泛，极目波上凫。

[69]

有人兮山陲，云卷兮霞纓。秉芳兮欲寄，路漫兮难征。
心惆悵兮狐疑，蹇独立兮忠贞。

第二节 道家期

[156]

寒山有裸虫，身白而头黑。手把两卷书，一道将一德。
住不安釜灶，行不赍衣衾。常持智慧剑，拟破烦恼贼。

[44]

独卧重岩下，蒸云昼不消。室中虽踟蹰，心里绝喧嚣。
梦去游金阙，魂归度石桥。抛除闹我者，历历树间瓢。

[16]

家住绿岩下，庭芜更不芟。新藤垂缭绕，古石竖巉岩。
山果猕猴摘，池鱼白鹭衔。仙书一两卷，树下读喃喃。

[20]

欲得安身处，寒山可长保。微风吹幽松，近听声愈好。
下有斑白人，喃喃读黄老。十年归不得，忘却来时道。

[144]

夕阳赫西山，草木光晔晔。复有朦胧处，松萝相连接。
此中多伏虎，见我奋迅鬣。手中无寸刃，争不惧慑慑。

[3]

可笑寒山道，而无车马踪。联溪难记曲，叠嶂不知重。
泣露千般草，吟风一样松。此时迷径处，形问影何从。

[67]

山中何太冷，自古非今年。沓嶂恒凝雪，幽林每吐烟。
草生芒种后，叶落立秋前。此有沉迷客，窥窥不见天。

[66]

默默永无言，后生何所述。隐居在林藪，智日何由出。
枯槁非坚卫，风霜成夭疾。土牛耕石田，未有得稻日。

[68]

山客心悄悄，常嗟岁序迁。辛勤采芝朮，披斥诤成仙。

庭廓云初卷，林明月正圆。不归何所为，桂树相留连。

[218]

我闻天台山，山中有琪树。永言欲攀之，莫晓石桥路。
缘此生悲叹，索居将已暮。今日观镜中，飒飒鬓垂素。

第三节 佛家期

[270]

自从出家后，渐得养生趣。伸缩四肢全，勤听六根具。
褐衣随春冬，粝食供朝暮。今日恳恳修，愿与佛相遇。

[25]

智者君抛我，愚者我抛君。非愚亦非智，从此断相闻。
入夜歌明月，侵晨舞白云。焉能拱口手，端坐鬓纷纷。

[40]

惯居幽隐处，乍向国清中。时访丰干道，仍来看拾公。
独回上寒岩，无人话合同。寻究无源水，源穷水不穷。

[26]

有鸟五色彰，栖桐食竹实。徐动合礼仪，和鸣中音律。
昨来何以至，为吾暂时出。悦闻弦歌声，作舞欣今日。

[306]

寒山道，无人到。若能行，称十号。有蝉鸣，无鸦噪。
黄叶落，白云扫。石磊磊，山隩隩。我独居，名善导。
子细看，何相好。

[308]

我居山，勿人识。白云中，常寂寂。

[309]

寒山深，称我心。纯白石，勿黄金。
泉声响，抚伯琴。有子期，辨此音。

[307]

寒山寒，冰锁石。藏山青，现雪白。
日出照，一时释。从兹暖，养老客。

[310]

重岩中，足清风。扇不摇，凉气通。
明月照，白云笼。独自坐，一老翁。

[311]

寒山子，长如是。独自居，不生死。

第四节 其 它

[2]

重岩我卜居，鸟道绝人迹。庭际何所有，白云抱幽石。
住兹凡几年，屡见春冬易。寄语钟鼎家，虚名定无益。

[28]

登陟寒山道，寒山路不穷。溪长石磊磊，涧阔草蒙蒙。
苔滑非关雨，松鸣不假风。谁能超世累，共坐白云中。

[106]

层层山水秀，烟霞锁翠微。岚拂纱巾湿，露沾蓑草衣。
足蹑游方履，手执古藤枝。更观尘世外，梦境复何为。

[130]

鸟语情不堪，其时卧草庵。樱桃红烁烁，杨柳正毵毵。
旭日衔青嶂，晴云洗绿潭。谁知出尘俗，驭上寒山南。

[24]

快榜三翼舟，善乘千里马。莫能造我家，谓言最幽野。
岩岫深嶂中，云雷竟日下。自非孔丘公，无能相救者。

[154]

寒山多幽奇，登者皆恒慑。月照水澄澄，风吹草猎猎。
凋梅雪作花，杌木云充叶。触雨转鲜灵，非晴不可涉。

[177]

以我栖迟处，幽深难可论。无风萝自动，不雾竹长昏。
涧水缘谁咽，山云忽自屯。午时庵内坐，始觉日头暎。

[297]

欲向东岩去，于今无量年。昨来攀葛上，半路困风烟。
径窄衣难进，苔粘履不前。住兹丹桂下，且枕白云眠。

[229]

自见天台顶，孤高出众群。风摇松竹韵，月现海潮频。
下望山青际，谈玄有白云。野情便山水，本志慕道伦。

[266]

迴耸霄汉外，云里路峒峒。瀑布千丈流，如铺练一条。
下有栖心窟，横安定命桥。雄雄镇世界，天台名独超。

[195]

丹丘迴耸与云齐，空里五峰遥望低。
雁塔高排出青嶂，禅林古殿入虹蜺。
风摇松叶赤城秀，雾吐中岩仙路迷。
碧落千山万仞现，藤萝相接次连溪。

[263]

平野水宽阔，丹丘连四明。仙都最高秀，群峰耸翠屏。
远远望何极，矍矍势相迎。独标海隅外，处处播嘉名。

[147]

独坐常忽忽，情怀何悠悠。山腰云漫漫，谷口风飕飕。
猿来树裊裊，鸟入林啾啾。时催鬓飒飒，岁尽老惆惆。

[212]

自从到此天台境，经今早度几冬春。
山水不移人自老，见却多少后生人。

第四章 劝谕类

第一节 世情

世态

[29]

六极常婴困，九维徒自论。有才遗草泽，无艺闭蓬门。
日上岩犹暗，烟消谷尚昏。其中长者子，个个总无裨。

[127]

大有好笑事，略陈三五个。张公富奢华，孟子贫轶轲。
只取侏儒饱，不怜方朔饿。巴歌唱者多，白雪无人和。

[98]

推寻世间事，子细总皆知。凡事莫容易，尽爱讨便宜。
护即弊成好，毁即是成非。故知杂滥口，背面总由伊。
冷暖我自量，不信奴唇皮。

[118]

吁嗟浊滥处，罗刹共贤人。谓是等流类，焉知道不亲。
狐假师子势，诈妄却称珍。铅矿入炉冶，方知金不真。

[34]

两龟乘犊车，蓦出路头戏。一蛊从傍来，苦死欲求寄。
不载爽人情，始载被沉累。弹指不可论，行恩却遭刺。

[140]

城北仲家翁，渠家多酒肉。仲翁妇死时，吊客满堂屋。
仲翁自身亡，能无一人哭。吃他杯觞者，何太冷心腹。

[150]

俗薄真成薄，人心个不同。殷翁笑柳老，柳老笑殷翁。
何故两相笑，俱行谗谤中。装车竞嵒嶮，翻载各泅冻。

[36]

东家一老婆，富来三五年。昔日贫于我，今笑我无钱。
渠笑我在后，我笑渠在前。相笑傥不止，东边复西边。

[43]

低眼邹公妻，邯郸杜生母。二人同老少，一种好面首。
昨日会客场，恶衣排在后。只为著破裙，吃他残黧黧。

[223]

我在村中住，众推无比方。昨日到城下，却被狗形相。
或嫌袴太窄，或说衫少长。挛却鹞子眼，雀儿舞堂堂。

[59]

极目兮长望，白云四茫茫。鸱鸦饱腹腴，鸾凤饥彷徨。
骏马放石磧，蹇驴能至堂。天高不可问，鸛鹄在沧浪。

[58]

我见百十狗，个个毛鬣鬣。卧者渠自卧，行者渠自行。
投之一块骨，相与啗噪争。良由为骨少，狗多分不平。

[114]

贫驴欠一尺，富狗剩三寸。若分贫不平，中半富与困。
始取驴饱足，却令狗饥顿。为汝熟思量，令我也愁闷。

[104]

富儿会高堂，华灯何炜煌。此时无烛者，心愿处其傍。
不意遭排遣，还归暗处藏。益人明诘损，顿讶惜余光。

[126]

新谷尚未熟，旧谷今已无。就贷一斗许，门外立踟蹰。
夫出教问妇，妇出遣问夫。慳惜不救乏，财多为累愚。

[124]

富贵疏亲聚，只为多钱米。贫贱骨肉离，非关少兄弟。
急须归去来，招贤阁未启。浪行朱雀街，踏破皮鞋底。